



UNIVERSITÄTS-
BIBLIOTHEK
PADERBORN

Universitätsbibliothek Paderborn

Directorivm Inqvisitorvm F. Nicolai Eymerici Ordinis Prædicatorum

Nicolaus <Eymericus>

Venetiis, 1607

Bulla Greg. Papae xi. Conseruationi. qua conde[m]nantur viginti volumina
Raymundi Lulli, & c[a]etera eiusde[m] opera interdicuntur.

urn:nbn:de:hbz:466:1-13589

De libris danatis in Extrauagantibus.

Septima quinta quaestio est. Libri hereticeales seu erronei, de quibus agitur in Extrauagantibus per Ecclesiam condemnati; qui sunt?

Ad hanc a respondemus, quod in extrauagantibus nullus liber apparet, ut talis condemnatus, nisi in extrauaganti domini Ioannis Papa XXII. que incipit, Quia vir reprobus, in qua libelli qui dam, quos contra constitutiones predictas, cum inter, & Quia quorundam, de proprio & communi considerat, & ad studia generalia miserat, ac in valuis Ecclesiarum, & alijs locis affigi fecerat, frater Michael de Casena hereticus predictus, dudum Generalis Minister ordinis fratrum Minorum, tanquam hereticeales cum suo auctore heretico condemnantur.

COMMENT. I.

Ad hanc respondemus, quod in Extrauagantibus nullus liber apparet, &c. De hac quoque tractatione copiose egit auctor supra sub alijs terminis q. 8. sanctus Anconinus in sum. p. 4. tit. x. c. 7. s. 5. & Turrecremata in summa de Ecclesia, lib. 4. parte 2. cap. 37.

Hac autem extrauagans incipiens, Quia vir reprobus cuius hic meminit Emericus, nondum est impressa, nec peruenit adhuc ad manus nostras.

Quantum vero attinet ad hunc Michaelum de Casena hereticum, plenissime de eo egimus cum Emerico supra in hac 2. parte, quaest. 15. unde quaestio hec lumen declarationis accipiet.

De libris damnatis a diuersis Romanis Pontificibus.

SUMMARIUM.

- 1 Libri Petri Ioannis damnati a Ioan. XXII.
- 2 Alexander III. damnauit lib. inscrip. Euangelium eternum.
- 3 Opuscula xx. Raymundi Lulli prohibita.
- 4 Littera Gregorij XI. de prohibitione dictorum librorum.

Septima sexta quaestio est. Libri hereticeales seu erronei, per diuersos summos Pontifices, de fratrum suorum consilio, post mortem illorum, qui libros huiusmodi ediderunt, damnati; qui sunt?

Ad hanc a respondemus, quod dominus Ioannes Papa XXII. Aumione residens, informatus de peruersa doctrina fratris Petri Ioannis de ordine fratrum Minorum, cum magno consilio multorum in Theologia Magistrorum, & doctorum, condemnauit dicti fratris Petri Ioannis, de quo actum est supra, hos libros ut vere heretice-

ales, scilicet, postillam super Apocalypsim: postillam super Mattheum: postillam super Canonicas, propter errores contentos in eis, hereses, que recitantur supra q. 9.

2 Ante predictorum librorum condemnationem factam per predictum dominum Ioanem XXII. dominus Alexander III. condemnauit librum appellatum, Euangelium eternum, propter hereses & errores, que recitantur supra q. 9.

3 Post quem dominus Gregorius XI. condemnauit xx. volumina cuiusdam Raymundi Lulli, propter plures hereses & errores, que recitantur supra q. 9. Libri autem condemnati & combusti per dominum Papam predictum istu erant: Liber de philosophia amoris. liber de centum Dei nominibus. liber de contemplationum. liber de vii. arboribus, liber de Ecclesiasticis prouerbij. liber de confessione, contritione, satisfactione, & oratione. liber de orationibus. liber amari & amici. liber de benedicta tu. liber. de beata Maria. liber de articulis fidei. liber de doctrina puerili. liber de planctu Raymundi. liber de intentionibus. liber de arte amatiua. liber de tentatione. liber de oratione: & est alius a predicto. liber de anima, liber sententiarum. liber apostolicum.

Predicta autem viginti volumina sunt condemnata per Bullam domini Papae Gregorij XI. tenoris sequentis.

4 Bulla Gregorij Papae XI. qua condemnantur viginti volumina Raymundi Lulli, & cetera eiusdem opera interdicuntur.

Gregorius Episcopus seruus seruorum Dei, venerabilibus fratribus Archiepiscopo Tarracon. eiusque suffraganeis: Salutem & Apostolicam benedictionem.

Conseruationi puritatis catholice fidei, quam multi nequa filij scelerati suis falsis assertionibus maculare nitentes, inter triticum purum agri Dominici pestiferu seme zizaniam seminant, cum ad nostrum precipue spectet officium, ut euellamus praua, et detruamus peruersa, prouidere salubriter, & animarum illaqueationibus obuiare cofestim plenis desiderijs affectantes, opportuna in his, que possumus, remedia, studio pastoralis sollicitudinis adhibemus. Dum siquidem dilectus filius Nicolaus Emerici ordinis fratrum Predicatorum professor, in sacra theologia magister, in regnis Aragonie, Valentie & Maioricarum Inquisitor hereticæ prauitatis, nobis exposuit, se in regnis eisdem inuenisse viginti volumina diuersorum libroru, in vulgari scriptorum, a quoda Raymundo Lullo ciue Maioricarum editorum, in quibus (ut ipsi In-

quisitori videbatur) multi continebantur errores, & hæreses manifestæ: & quod non nulli de prædictis, & alijs regnis, libris vtebantur eisdem, & eorum doctrinæ dabant fidem non modicam in grande suarum periculum animarum: supplicauitque nobis Inquisitor ipse, ut (ne simplices deciperentur ex libris ipsis) dignaremur in hac parte de oportuno remedio prouidere: Nos autem cupientes animarum iam forsan imbutarum, & quæ imbuti possent ex peruerso dogmate dictorum librorum, periculis celestiter obuiare, dictos libros per venerabilem fratrem nostrum Petrum episcopum Hostiensem, & per quamplures etiam ultra vi genum numerum in eadem Theologia magistros, examinari fecimus diligenter, per quorum relationem tandem habuimus, quod ipsi dictos libros omnes cum multa diligentia legerant, & examinauerant. & quod ultra ducentos ¶ articulos erroneos & hæreticales inuenerant in eisdem; super quibus inter eosdem Episcopum & magistros, sæpius & damnum coram nobis habita disputatione solemniter, ipsos articulos (ad vitandum prolixitatis tædium, & horribilitatem eorum, haberi volumus præsentibus pro expressis) erroneos, & manifeste hæreticales de ipsorum Episcopi & magistrorum concordii consilio, censuimus reputandos. Cum autem, sicut Inquisitoris præfati continebatur assertio, in prædictis regnis alij libri, qui asseruntur editi à iam dicto Raymundo, reperiri dicantur, in quibus huiusmodi iam reperi, & alij errores & hæreses creduntur probabiliter contineri: Nos volentes de huiusmodi alijs libris & eorum doctrina informari plenarie, & super eis prouidere salubriter, ne fideles in errores huiusmodi damnabiliter prolabantur, fraternitati vestræ de fratrum nostrorum consilio, per Apostolica scripta committimus & mandamus, quatenus diebus Dominicis & festiuis, in singulis Ecclesijs vestris cathedralibus, ac curatis, necnon religiosorum quorumcunque ordinum, exemptorum & non exemptorum, etiam Cisterciensis, Carthusiensis, Cluniacensis, Præmonstratensis, Grandimontensis, sanctorum Benedicti & Augustini, ac fratrum Prædicatorum, Minorum, & Eremitarum eiusdem sancti Augustini, & Carmelitarum, & aliorum ordinum vestrarum ciuitatum & diocesium, intra missarum solænia existentibus

† in codice Sabellano legitur: quadrigentos.

A populis ad diuina, & prædicationibus, per vos vel ¶ alios, quantum cito commodè poteritis, faciatis proponi, quod omnes & singule persone vtriusque sexus, cuiuscunque status, ordinis, vel conditionis existant, earumdem vestrarum ciuitatum & diocesium seu comorantes in eis, habentes libros quoscunque a præfato Raymundo editos (ut præfertur) ipsos infra vnius mensis spatium vobis assignare: & illi qui sciunt alias personas libros eosdem habentes, eas vobis reuelare ac nominare procurent: vosque libros recipi faciatis eosdem, quos cum habueritis, quam cito commodè poteritis, curetis nobis fideliter destinare ut ipsos simili examini subicere valeamus. Cæterum quia doctrina, seu potius dogmatizatio prædictorum librorum examinationem reperitur erronea, hæreticalis, & periculosa nimium animabus: uehemens suspicio est habenda, quod in alijs libris editis à dicto Raymundo similes vel alij (ut præfertur) contineantur errores, vobis mandamus, quod omnibus & singulis eisdem personis vestrarum ciuitatum & diocesium, doctrinam seu potius dogmatizationem, & usum huiusmodi librorum interdici studeatis, donec super his per sedem Apostolicam aliud fuerit ordinatum. Contradictores per censuram ecclesiasticam appellatione postposita, compescendo: Non obstantibus, si aliquibus communititer, vel diuifim à sede Apostolica sit inultum, quod interdicti, suspendi, vel excommunicari aut extra uel ultra certa loca, ad iudicium uocari non possint per litteras Apostolicas non facientes plenam & expressam, ac de uerbo ad uerbum de indulto huiusmodi mentionem, & quibuslibet exemptionibus, & alijs priuilegijs & litteris Apostolicis, quibuscunque locis, personis, uel ordinibus, sub quacunque forma, uel expressione uerborum eadem sede concessis, de quibus eorumque totis tenoribus, etiam de uerbo ad uerbum in nostris litteris mentio sit habenda: & per quæ præfatis mandati nostri effectus ualeat quomodolibet impediri. Insuper uolumus quod per te frater Archiepiscopo, tenor presentium sub tuo, uel officialis tui sigillo, ad tuos fratres suffraganeos transmittatur, cui per uos adhiberi uolumus, uelut ipsis originalibus plenam fidem. Datum Auinionē viij. Kalenda. Februarij, Pontificatus nostri anno VI.

C O M-